

Broj: 05-02-5-378/21-1.
Sarajevo, 25.01.2021.godine

Primitjeno.		28-01-2021	
Broj	Priloga	Vrijednost	
05/2 - 02 -	278	20	

PARLAMENT FEDERACIJE BOSNE I HERCEGOVINE
DOM NARODA
n/p Sekretar

PREDMET: Odgovor na poslaničko pitanje, dostavlja se

Veza: Vaš akt: 05/2-02-278/20 od 13.01.2021.g

Poštovani,

Shodno aktu, broj i datum iz veze, dostavljeno je delegatsko pitanje koje je podnio Aner Žuljević, delegat u Domu naroda Parlamenta Federacije Bosne i Hercegovine, koje glasi:

„Obzirom, da je Porezna uprava Federacije BiH uprava u sastavu Federalnog ministarstva finansija, ko je u skladu s Zakonom o organizaciji organa uprave („Službene novine Federacije BiH“ broj 35/05) ovlašten da donosi podzakonske propise i opšte akte (Pravilnik, uputstvo, instrukciju naredbu i sl.) iz oblasti rada i organizacije Porezne uprave FBiH, odnosno, da li je to ministar finansija ili direktor PU?„

ODGOVOR

Prema odredbama člana 43. Zakona o organizaciji organa uprave u Federaciji Bosne i Hercegovine („Službene novine Federacije BiH“ 35/05), kao zakona koji uređuje organizaciju i način funkcioniranja organa uprave u Federaciji Bosne i Hercegovine, Porezna uprava Federacije BiH je klasifikovana kao samostalna federalna uprava u sastavu federalnog ministarstva finansija, iz razloga što je porezni sistem i porezna politika u nadležnosti Federalnog ministarstva finansija-financija a što je uređeno članom 8. Zakona o federalnim ministarstvima i drugim organima federalne uprave („Službene novine Federacije BiH“ broj: 58/02, 19/03, 38/05, 2/06, 8/06, 61/06, 52/09 i 48/11).

Nadalje je članom 52. stav (2) Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05) propisano da Pravilnik o unutrašnjoj organizaciji organa donosi rukovodilac federalnog ministarstva na prijedlog rukovodioca upravne organizacije u sastavu ministarstva, uz saglasnost Vlade Federacije. Slijedom navedene odredbe, Pravilnik o unutrašnjoj organizaciji Porezne uprave Federacije BiH donosi federalni Ministar finansija-financija na

prijedlog Direktora Porezne uprave Federacije BiH, uz saglasnost Vlade Federacije BiH.

Članom 51. stav (2) Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05) jasno je propisano šta se Pravilnikom o unutrašnjoj organizaciji utvrđuje, i to: 1) organizacijske jedinice i njihova nadležnost; 2) sistematizacija radnih mjesta koja obuhvata: nazive radnih mjesta, opis poslova, uvjete za obavljanje poslova, vrstu djelatnosti, naziv grupe u koju spadaju poslovi, složenost poslova i druge elemente; 3) način rukovođenja organom i organizacijskim jedinicama; 4) programiranje i planiranje poslova; 5) ovlaštenja i odgovornost rukovodećih državnih službenika u obavljanju poslova; 6) broj pripravnika koji se primaju u radni odnos i uvjeti za prijem pripravnika; 7) druga pitanja predviđena propisom iz člana 53. ovog Zakona.

Nadalje, uzimajući u obzir ustavne nadležnosti ministra pobrojane taksativno odredbom člana IV.B.3.(7) e) IV. Ustava Federacije Bosne i Hercegovine, gdje je propisano da je svaki ministar nadležan za izdavanje uputstva, instrukcija, naredaba i donošenje propisa u cilju omogućavanja izvršavanja zakona iz nadležnosti njegovog ministarstva i onih koje mu povjeri Premijer, u skladu sa ovim ustavom i zakonima Federaciji, a da je nadležnost Federalnog ministarstva finansija-financija uređena članom 8. Zakona o federalnim ministarstvima i drugim organima federalne uprave („Službene novine Federacije BiH“ broj: 58/02, 19/03, 38/05, 2/06, 8/06, 61/06, 52/09 i 48/11), federalni ministar finansija je nadležan da donosi podzakonske propise za koje je ovlašten zakonima, a što je uređeno i članom 19. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05) gdje je jasno propisano da organi uprave donose podzakonske propise predviđene ovim Zakonom kada su na to zakonom izričito ovlašteni, a posebno je izdvojeno ovlaštenje ministra članom 44. Zakona o organizaciji organa uprave („Službene novine F BiH“ broj 35/05) gdje je propisano da u poslovima iz nadležnosti federalne upravne organizacije koje se nalaze u sastavu federalnog ministarstva, federalni ministar donosi podzakonske propise i opće akte za izvršavanje federalnih zakona iz tih oblasti.

Obzirom da je odredbama Zakona o Poreznoj upravi Federacije BiH („Službene novine Federacije BiH“ broj 33/02, 28/04, 57/09, 40/10, 27/12, 7/13, 71/14 i 91/15) uređeno, između ostalog i ovlaštenja, nadležnosti, organizacija i rad Porezne uprave Federacije, sukladno članom 95. Zakona o Poreznoj upravi Federacije BiH („Službene novine Federacije BiH“ broj 33/02, 28/04, 57/09, 40/10, 27/12, 7/13, 71/14 i 91/15) dato je ovlaštenje ministarstvu da u okvirima svojih ovlaštenja i u skladu sa zakonima Federacije, donosi podzakonske akte za provedbu ovog ili drugih poreznih zakona.

S poštovanjem,

MINISTRICA

Jelka Milićević